

〔清〕黎庶昌著 黎鐸 龍先緒 點校

黎庶昌全集

上海古籍出版社

【清】黎庶昌著 黎鐸 龍先緒 點校

黎庶昌全集 二

上海古籍出版社

本冊目次

曾文正公年譜		七六三
遵義沙灘黎氏家譜		一〇四一
全黔國故頌(卷一至卷七)		一一四七

目錄

點校說明	七六五	卷七	咸豐十一年	九〇五
卷一	起嘉慶十六年，訖咸豐二年	卷八	同治元年	九二〇
卷二	咸豐三年	卷九	同治二年三年	九四四
卷三	咸豐四年	卷十	同治四年	九七七
卷四	咸豐五年六年	卷十一	同治五年六年七年八年	九九三
卷五	咸豐七年八年	卷十二	同治九年十年十一年	一〇一九
卷六	咸豐九年十年			

本册目次

曾文正公年譜		七六三
遵義沙灘黎氏家譜		一〇四一
全黔國故頌(卷一至卷七)		一一四七

曾文正公年譜

黎鐸 點校

點校說明

《曾文正公年譜》（以下簡稱《年譜》）十二卷，由黎庶昌編撰，李瀚章審訂，完稿於同治十三年（一八七四），光緒二年（一八七六）夏由傳忠書局刊行。《年譜》詳細記錄了譜主曾國藩從嘉慶十六年（一八一—）至同治十一年（一八七二）的生平事跡。

黎庶昌從同治元年（一八六二）上書，被清廷發往曾國藩大營，與曾氏朝夕相處達六年之久，且為曾門四弟子之一，對曾氏身世、事跡、學識、操守均了如指掌，其記錄真實詳盡，對瞭解和研究曾國藩生平事跡、思想提供了翔實的材料。在諸多曾氏年譜中，本譜為較詳盡的一種，因而出版後被多次再版，影響極大。

關於《年譜》的作者，學界曾有人提出異義，王澧華在《〈曾文正公年譜〉作者考辨》中，以湖南省圖書館所藏《曾文正公年譜》稿本為依據，認為作者為曹耀湘。謂「曹編《年譜》的署名，最後定為『門人合肥李瀚章審訂，遵義黎庶昌編輯』，想來當是曹耀湘徵得曾紀澤同意之後做出的安排。至於曹耀湘何以署黎之名而不用黎之文，黎庶昌是否知悉，是否同意，今皆不得而知」。所言並無確鑿依據。在沒有强有力的證據推翻原有結論的情況下，還是將《年譜》作者認作黎庶昌為宜。

這次點校，以光緒二年夏傳忠書局本為底本，參校其他版本。

目錄

點校說明 七六五

卷一 起嘉慶十六年，訖咸豐二年 七六七

卷二 咸豐三年 七九四

卷三 咸豐四年 八〇七

卷四 咸豐五年六年 八三〇

卷五 咸豐七年八年 八六一

卷六 咸豐九年十年 八七八

卷七 咸豐十一年 九〇五

卷八 同治元年 九二〇

卷九 同治二年三年 九四四

卷十 同治四年 九七七

卷十一 同治五年六年七年八年 九九三

卷十二 同治九年十年十一年 一〇一九

曾文正公年譜卷一

公諱國藩，字伯涵，號滌生，湖南湘鄉人。曾氏祖籍衡陽，國初有孟學公者，始遷湘鄉荷塘都之大界里；再傳至元吉公，族姓漸多，資產漸殖，遂爲湘鄉人。元吉公之仲子曰輔臣公者，公之高祖也。曾祖諱竟希，誥贈光祿大夫；妣彭氏，誥贈一品夫人。祖諱玉屏，字星岡，誥封中憲大夫，累贈光祿大夫；妣王氏，誥封恭人，累贈一品夫人。考諱麟書，字竹亭，湘鄉縣學生員，誥封中憲大夫，累封光祿大夫；妣江氏，誥封恭人，累封一品夫人。仲父諱鼎尊，早卒；叔父諱驥雲，字高軒，以公官廕封光祿大夫。星岡公以嘉慶戊辰年遷居白楊坪。公兄弟五人，女兄弟四人。公則竹亭公之長子也。

辛未

嘉慶十有六年，公生。

公生十月十一日亥時，時竟希公在堂，壽幾七十矣。是夜夢有巨蟒盤旋空中，旋繞於宅之左右，已而入室庭，蹲踞良久。公驚而寤，聞曾孫生，適如夢時，大喜曰：「是家之祥，曾氏門閭行將大矣。」宅後舊有古樹，爲藤所纏，樹已槁，而藤日益大且茂，矯若虬龍，枝葉蒼翠，垂蔭一畝，亦世所罕見者。

壬申

嘉慶十七年，公二歲。

竟希公孝友敦篤，爲鄉里所敬。年七十，見曾孫，極欣愛之。

癸酉 嘉慶十八年，公三歲。

公幼小時，狀貌端重。自初生至三歲，庭戶不聞啼泣聲。母江太夫人勤操作，不恒顧復。每日依祖母王太夫人紡車之側，花開鳥語，注目流眄，狀若有所會悟，王太夫人尤奇之。

甲戌 嘉慶十九年，公四歲。

六月，妹國蕙生。

乙亥 嘉慶二十年，公五歲。

冬十月，受學於庭，誦讀穎悟，竟希公益鍾愛之。

丙子 嘉慶二十一年，公六歲。

公在家塾，以陳雁門先生爲公問字師。十月，竟希公薨，壽七十有四，葬西坑山。公哭泣甚哀，執喪若成人。

丁丑 嘉慶二十二年，公七歲。

竹亭公粹然儒者，屢應童子試未售，績學不怠，名其塾曰「利見齋」。課徒十餘人，訓誘專勤。公稟學於庭訓者凡八年。

戊寅 嘉慶二十三年，公八歲。

八月，妹國芝生。

己卯 嘉慶二十四年，公九歲。

是年讀《五經》畢，始爲時文帖括之學。

庚辰 嘉慶二十五年，公十歲。

五月，公弟國潢生。竹亭公笑謂曰：「汝今有弟矣。」命作時文一道，題曰「兄弟怡怡」。公

文成，竹亭公喜甚曰：「文中有至性語，必能以孝友承其家矣！」

辛巳 道光元年，公十一歲。

壬午 道光二年，公十二歲。

五月，公弟國華生。

癸未 道光三年，公十三歲。

甲申 道光四年，公十四歲。

衡陽廩生歐陽滄溟先生凝祉與竹亭公友善，常來家塾，見公所爲試藝，亟賞之。竹亭公請

試以題，先生以「共登青雲梯」命爲試律。詩成，先生覽而稱善曰：「是固金華殿中人語也。」因

以女許字焉。是歲，始從竹亭公至長沙省城應童子試。八月，公弟國荃生。

乙酉 道光五年，公十五歲。

竹亭公設館同族家塾，曰「錫麒齋」。公從受讀《周禮》、《儀禮》成誦，兼及《史記》、《文選》。

丙戌 道光六年，公十六歲。

應長沙府試，取前列第七名。

丁亥 道光七年，公十七歲。

戊子 道光八年，公十八歲。

九月，公弟國葆生。

己丑 道光九年，公十九歲。

竹亭公設館石魚之百魯庵，公從。

庚寅 道光十年，公二十歲。

九月，公季妹生。肄業於衡陽唐氏家塾，從事汪覺庵先生。公姊國蘭出閣，適王氏，婿名

鵬遠。

辛卯 道光十一年，公二十一歲。

公自衡陽還家塾，冬月肄業本邑漣濱書院。山長劉元堂先生名象履，見公詩文，歎賞不置，

以爲大器。

壬辰 道光十二年，公二十二歲。

竹亭公以府試案首入湘鄉縣學。公從應試備取，以俗生註冊，試罷還居家塾利見齋。

癸巳 道光十三年，公二十三歲。

本年科試，入縣學。時公名子城，提督學政爲岳公鎮南。竹亭公年四十有三，應童試十七次，始補生員，積苦力學，授徒家塾者二十年。至是深喜公之繼起而早獲售也。十二月，歐陽夫人來歸。

甲午 道光十四年，公二十四歲。

肄業嶽麓書院，山長爲歐陽坦齋先生。公以能詩文，名噪甚，試輒第一。是科領鄉薦，中式第三十六名舉人。本科鄉試《四書》首題「疑思問，忿思難，見得思義」，次題「武王纘太王王季文王之緒」，三題「智譬則巧也，聖譬則力也，由射於百步之外也」。詩題「賦得窮得秋光入卷來」。座主爲徐公雲瑞、許公乃安，房考官爲張公啓庚。十一月入都。是歲始見劉公蒼於朱氏學舍，與語大悅，因爲留信宿乃別。

乙未 道光十五年，公二十五歲。

公寓長沙郡館，會試不售，留京師讀書，研窮經史。尤好昌黎韓氏之文，慨然思躡而從之，治古文詞自此始。

丙申 道光十六年，公二十六歲。

會試再報罷，出都爲江南之遊。同邑易公作梅官睢寧知縣，因過訪之。由清江、揚州、金陵

溯江而歸。公久寓京師，窘甚，從易公貸百金，過金陵盡以購書，不足則質衣裘以益之。比歸里，陳所購廿三史。竹亭公問所自來，且喜且誠之曰：「爾借錢買書，吾不惜爲汝彌縫，但能悉心讀之，斯不負耳。」公聞而悚息。由是侵晨起讀，中夜而休，泛覽百家，足不出庭戶者幾一年。

丁酉

道光十七年，公二十七歲。

公聞瀏陽文廟用古樂，詣瀏陽縣，與其邑舉人賀以南等諮考聲音律呂之源流，留兩月乃歸。過長沙，適劉公蓉與湘陰郭公嵩燾均在省城應試，相見懽甚，縱談今古，昕夕無間。留月餘，始各別去。公妹國蕙出閣，適王氏，婿名待聘。十月，公生子，命名楨第。十二月，公謀入都會試，無以爲資，稱貸於族戚家，攜錢三十二緡以行，抵都中，餘三緡耳。時公車寒苦者，無以逾公矣！

戊戌

道光十八年，公二十八歲。

正月，入都門，寓內城西登壇堂。本科會試，欽派大總裁大學士穆彰阿公及朱公士彥、吳公文鎔、廖公鴻荃。欽命《四書》首題「言必信，行必果」。次題「萬物並育而不相害，道並行而不相悖」。三題「頌其詩，讀其書，不知其人可乎？是以論其世也，是尚友也」。詩題「賦得泉細寒聲生夜壑」。公中式第三十八名進士。房考官季公芝昌。同鄉中式者五人，寧鄉梅公鍾澍、茶陵陳公源袞，尤公至好。

四月，正大光明殿覆試一等，殿試三甲第四十二名，賜同進士出身。朝考一等第三名，進呈

宣宗，拔置第二名。

五月初二日引見，改翰林院庶吉士。公少時器宇卓犖，不隨流俗，既入詞垣，遂毅然有效法前賢，激清天下之志。讀書自爲課程，編摩記注，分爲五門：曰「茶餘偶談」，曰「過隙影」，曰「饋貧糧」，曰「詩文鈔」，曰「詩文草」。時有論述，不以示人。讀書務內自慙，亦性然也。中式後，更名國藩。

八月，請假出都，與凌公玉垣、郭公嵩燾偕行。道出襄樊，舟次安陸，遇大風，鄰舟數十鮮有完者，公舟獨無恙。

十二月，抵家。曾氏自占籍衡陽以來，無以科名顯者，星岡公始督課子姓受學，賓禮文士。公遂以是年成進士。入翰林，星岡公年六十，健在；後公官至學士，堂上猶重慶；至侍郎，星岡公猶及見之，京朝官無及其盛者。公之以翰林歸也，親友踵門而賀，竹亭公治酒款客。比酒罷，星岡公語竹亭公曰：「吾家以農爲業，雖富貴，毋失其舊。彼爲翰林，事業方長，吾家中食用，無使關問，以累其心。」自是以後，公官京師十餘年，未嘗知有家累也。

己亥 道光十九年，公二十九歲。

正月，鄉里天行痘證大作，公季妹及子楨第皆染痘殤。季妹年十歲，楨第生甫五月也。

四月，公至衡陽。

五月，至耒陽縣，謁杜工部祠堂，遂至永興。有曾紀詩者，執贄願從事，公爲書，勸之以學。